

**FORENSIESE MAATSKAPLIKE WERK AS 'N
SPESIALITEITSRIGTING:**

'N VERKENNENDE STUDIE

C.J. JACOBS
MA (MW) FORENSIES

MANUSKRIP VOORGELÊ TER GEDEELTELIKE NAKOMING
VAN DIE VEREISTES VIR DIE GRAAD

**MAGISTER ARTIUM (MAATSKAPLIKE WERK)
FORENSIES**

IN DIE

FAKULTEIT GESONDHEIDSWETENSKAPPE

AAN DIE

NOORDWES-UNIVERSITEIT
(POTCHEFSTROOMKAMPUS)

STUDIELEIER: DR. A.G. HERBST

POTCHEFSTROOM

NOVEMBER 2007

DANKBETUIGINGS:

Ek wil graag die volgende persone bedank:

- * Dr. A.G. Herbst vir haar leiding en ondersteuning rakende die navorsing.
- * Me. Yvonne Smuts vir die taalkundige versorging.
- * My ouers en dogter vir hulle begrip en ondersteuning.

SOLI DEO GLORIA

VIR MY DOGTER, NIKé

FORENSIESE MAATSKAPLIKE WERK

AS SPESIALITEITSRIGTING:

'N VERKENNENDE STUDIE

C.J. JACOBS

2007

INHOUDSOPGAWE

OPSOMMING	ii
SUMMARY	iii
VOORWOORD	iv
VOORSKRIFTE AAN OUTEURS	v
INLEIDING	1
NAVORSINGMETODOLOGIE	1
FORENSIESE MAATSKAPLIKE WERK AS IDENTIFISEERBARE VELD IN MAATSKAPLIKE WERK	4
FORENSIESE MAATSKAPLIKE WERK IS NIE 'N METODE OF INTERVENSIE NIE	6
DIE DOMEIN VAN FORENSIESE MAATSKAPLIKE WERK	7
BESONDERE KENNIS, VAARDIGHEDE EN ERVARING VAN DIE FORENSIESE MAATSKAPLIKE WERK	10
GEVOLGTREKKINGS EN AANBEVELINGS	15
BIBLIOGRAFIE	16
BYLAAG A: KOPIE VAN DIE VRAELYS	22

OPSOMMING

Titel:

FORENSIESE MAATSKAPLIKE WERK AS SPESIALITEITSRIGTING:
'N VERKENNENDE STUDIE

Sleutelwoorde:

Forensiese maatskaplike werk, gespesialiseerde veld, statutêre maatskaplike werk, deskundige getuienis

Opsomming:

Hierdie studie het die vraag ondersoek of forensiese maatskaplike werk voldoen aan die vereistes van die *South African Council for Social Service Professions (SACSSP)* vir die registrasie van 'n spesialiteitsrigting. Die vereistes is soos volg:

- * dit moet 'n identifiseerbare en difinieerbare veld in maatskaplike werk wees,
- * dit moet nie 'n vorm van intervensie wees nie,
- * dit moet 'n besondere veld van maatskaplike werk insluit en nie gedeel word met ander professies nie en
- * dit vereis besondere kennis, vaardighede en ervaring van die maatskaplike werker.

Daar is tot die gevolgtrekking gekom dat forensiese maatskaplike werk aan genoemde vereistes voldoen en daar is aanbeveel dat dit as sodanig geregistreer moet word.

SUMMARY

Title

FORENSIC SOCIAL WORK AS SPECIALITY: AN EXPLORATORY STUDY

Key words

Forensic social work, speciality, statutory social work, expert evidence

Summary

This study explored the question whether forensic social work meets the requirements set by the South African Council for Social Service Professions (SACSSP) for registration as a specialist field. The requirements are as follows:

- It should be an identifiable and definable field in social work.
- It should not be a form of intervention.
- It should include a distinctive field of social work and not be shared with other professions.
- It requires specialized knowledge, skills and experience from the social worker.

It has been concluded that forensic social work does indeed meet the requirements for registration and it is recommended that it be registered as such.

VOORWOORD

Die artikelformaat is gekies om aan die graad MA (Maatskaplike werk) te voldoen, asook aan die vereistes van die vaktydskrif vir maatskaplike werk, getitel Social Work / Maatskaplike Werk. Hierdie artikel maak slegs 10% uit die totale kursuspunt. Hierdie manuskrip word in artikelformaat voorgelê ooreenkomstig Regulasie A.11.2.5 vir die graad MA (MAATSKAPLIKE WERK) FORENSIES.

VOORSKRIFTE AAN OUTEURS

Die tydskrif publiseer artikels, boekbesprekings en kommentaar op reeds gepubliseerde artikels uit enige gebied van die maatskaplike werk. Bydraes mag in Afrikaans of Engels geskryf word. Alle artikels moet vergesel wees van 'n Engelse opsomming van nie meer as 100 woorde nie. Alle bydraes sal krities deur ten minste twee keurders beoordeel word. Beoordeling is streng vertroulik. Manuskripte sal na die outeurs teruggestuur word indien ingrypende hersiening vereis word of indien die styl nie ooreenstem met die tydskrif se standaard nie. Artikels van minder as 2 000 woorde of meer as 10 000 woorde sal normaalweg nie oorweeg word vir publikasie nie. 'n Disket met die teks, verkieslik in MS Windows, moet twee kopieë van die manuskrip vergesel. Manuskripte moet in 12pt "Times Roman" dubbelspasiëring slegs op een kant van 'n A4 bladsy getik word. Indien enigsins moontlik moet die manuskrip ook per e-pos versend word aan hsu@sun.ac.za. Verwysings moet volgens die Harvard-stelsel geskied. Verwysings in die teks: Wanneer woordelike sitate, feite of argumente uit ander bronne gesitater word, moet die van(ne) van die outeur(s), jaar van publikasie en bladsynommers tussen hakies in die teks verskyn, byvoorbeeld. ".....(Berger, 1967: 12). Meer besonderhede omtrent bronne moet alfabeties volgens die vanne van die outeurs aan die einde van die manuskrip onder die opskrif "Bibliografie" verskyn.

FORENSIESE MAATSKAPLIKE WERK AS 'N SPESIALITEITSRIGTING: 'N VERKENNENDE STUDIE

Mev CJ Jacobs is 'n MA-student aan die Noordwes- Universiteit (Potchefstroomkampus). Dr AG Herbst is 'n dosent aan die Vakgroep Maatskaplike Werk aan dieselfde Universiteit.

INLEIDING

Forensiese maatskaplike werk is 'n betreklik nuwe veld in maatskaplike werk, wat in die VSA reeds wye erkenning geniet. In Suid-Afrika word tans oorweging geskenk daaraan om dit as spesialiteit te registreer. Die South African Council for Social Service Professions (SACSSP)(2003: 1-2) definieer 'n spesialiteitsveld as: "A particular field of practice in Social Work in which specific activities take place for which specific additional knowledge, skills and expertise are required and which could be regarded as the domain of the Social Work profession." Uit hierdie omskrywing word die volgende vier kriteria afgelei vir die registrasie van Forensiese Maatskaplike Werk as 'n spesialiteit:

- (i) dit moet 'n identifiseerbare en definieerbare veld in maatskaplike werk wees,
- (ii) dit moet nie 'n vorm van intervensie wees nie,
- (iii) dit moet 'n besondere veld van maatskaplike werk insluit en nie gedeel word met ander professies nie en
- (iv) dit vereis besondere kennis, vaardighede en ervaring van die maatskaplike werker.

In hierdie artikel word terugvoer gegee oor 'n studie waarin hierdie vier kriteria van die SACSSP aan die hand van 'n literatuurstudie en empiriese ondersoek verder verken word.

NAVORSINGSMETODOLOGIE

Die doel van die studie is om forensiese maatskaplike werk in Suid-Afrika te meet aan die vereistes wat die SACSSP daarvoor stel. Hierdie doelstelling is bereik deur twee doelwitte, naamlik om enersyds 'n literatuurstudie en 'n empiriese ondersoek andersyds

te doen oor die vereistes soos gestel deur die SACSSP. Aangesien forensiese maatskaplike werk as onderwerp beter gedefinieer en die kennisvlak oor die onderwerp verder uitgebrei moet word as wat tans die geval is, was hierdie ondersoek beide beskrywend en verkennend van aard (Fouchè & De Vos, 2005: 106). Hierdie studie is gebaseer op die sentrale teoretiese argument dat forensiese maatskaplike werk wel aan die vereistes vir 'n spesialiteitsrigting van die SACSSP voldoen. Daar is gebruik gemaak van deurlopende vergelykende navorsing (Poggenpoel, 1998: 338-340) aan die hand van 'n sekondêre analise van bestaande literatuur (Strydom en Delpont, 2005: 319-322). Hierdie navorsingsprosedures word gevolg om teorie voortdurend te ontwikkel. 'n Literatuurstudie word onderneem om insig in die onderwerp te bekom (Rubin & Babbie, 2005: 120). Die literatuurstudie het 'n raamwerk geskep waarbinne die navorsing geïnterpreteer is. Die literatuurstudie is verder ondersteun deur gebruik te maak van 'n kwantitatiewe opname onder die populasie van geregistreerde maatskaplike werkers in Suid-Afrika. Op hierdie wyse is triangulering van data bewerkstellig en kon subjektiwiteit en persoonlike vooroordeel beperk word (De Vos, 2005: 361).

'n Opname is gedoen deur gebruik te maak van 'n ewekansige steekproef van 11 919 (of een kwart) van die maatskaplike werkers wat in 2007 by die SACSSP geregistreer is. Die doel van die opname was om hulle mening in te win oor verskillende aspekte van forensiese maatskaplike werk. 'n Vraelys, vergesel van 'n dekbrief en 'n gefrankeerde koevert, is aan elkeen gepos. Slegs 164 persone het egter aan die ondersoek deelgeneem. Die gebrek aan belangstelling is deur die navorser opgevolg en hoofsaaklik twee response is verkry: een groep was nie bereid om 'n vraelys wat nie in hulle huistaal geskryf is, te voltooi nie, en 'n tweede groep het erken dat hulle nie vertrouwd is met die begrip forensiese maatskaplike werk nie. Die Statistiese Konsultasiedienste aan die Noordwes-Universiteit het die data verwerk. Etiese goedkeuring is van die Universiteit se Etiekkomitee verkry en etieknommer 07K20 is aan die studie toegeken. Hierdie studie is deel van 'n omvattende studie oor forensiese maatskaplike werk in Suid-Afrika deur genoemde universiteit.

Soveel moontlik boeke, vaktydskrifte en akademiese verhandelings rakende die veld van forensiese maatskaplike werk is in hierdie studie bestudeer ten einde 'n sinvolle analise van bestaande literatuur te kon maak. Hierdie studie is gedoen aan die hand

van die kriteria van die SACSSP vir die registrasie van 'n spesialisrigting in maatskaplike werk. Literatuur wat geraadpleeg is, moes aan die volgende kriteria voldoen:

- Die literatuur moes spesifiek handel oor forensiese maatskaplike werk.
- Slegs materiaal wat in erkende wetenskaplike boeke of vaktydskrifte gepubliseer is, kon gebruik word.

Aangesien daar van 'n sekondêre analise van die literatuur gebruik gemaak is om data in te samel is dit noodsaaklik om hier 'n kort oorsig te gee van die literatuur wat benut is. Tabel 1 verskaf 'n opsomming van die toepaslike literatuur.

TABEL 1: LITERATUUR OOR FORENIESE MAATSKAPLIKE WERK WAT IN DIE SEKONDÊRE ANALISE BENUT IS

Nr.	Skrywer	Jaar	Titel	Verwysing
1.	BARKER, R.L. & BRANSON, D.M.	2000	Forensic Social Work: Legal aspects of professional practice.	New York: Haworth
2.	BRIAN, K. & HOLMGREN, J.D.	1997	Expert testimony on children's suggestibility: should it be admitted?	The Abstract Advisor, 10(1): 1-14
3	BERNE, E.	2004	Games people play: the basic handbook of transactional analysis.	New York: Ballentine.
4.	GREEN, G. THORPE, J. & TRAUPMANN, M.	2005	The sprawling thicket: knowledge and specialization in forensic social work.	Australian Social work, 58(2): 142-153, June
5.	HUGHES, D.S. & O'NEAL, B.C.	1983	A survey of current forensic social work.	Social work, 28(5): 393-394, September-October.
6.	KALISKI, S.Z.	2006	Psycholegal Assessment in South Africa.	Cape Town: Oxford.
7.	KUEHNLE, K.	1996	Assessing Allegations of Child Sexual Abuse.	Sarasota: Professional Resource.
8.	MYERS, J.E.B.	1990	Law: coping with cross examination.	The APSAC Advisor, 3(3): 1-11.
9.	PERRON, P.E. & HILTZ, B.S.	2006	Burnout and secondary trauma among forensic interviewers of abused children.	Child and Adolescent Social Work Journal, 23(2): 216-234.
10.	ROBERTS, C. & GREENE, G. J.	2002	Social workers' desk reference.	Oxford: Oxford.
11.	ROOS, N.	2005	Praat daaroor: 'n handleiding vir seksueel gemolesteerde vroue.	Pretoria: Lapa.
12.	SPIES, G.M.	2006	Sexual abuse: dynamics, assessment and healing.	Pretoria: Van Schaik.
13.	SPRINGER, D.W. &	2007	Handbook of forensic mental health with	New York: Springer.

	ROBERTS, A.R.		victims and offenders: assessment, treatment and research.	
14.	STAUB-BERNACONI, S.	2006	Social work: theory and methods.	In Ritzer, G. Ed. The Blackwell Encyclopedia of Sociology, Vol. 9. Oxford: Blackwell
15.	STUTTERHEIM, E & WEYERS, ML	1999	Forensic social work: with special reference to forensic social work service of SAPS	Social work / Maatskaplike werk, 35(1): 11-21.
16.	VERGOTTINI, E. M	2006	'n Maatskaplikewerk-onderzoek na die aard en implikasies van die sogenaamde "wenslikheid van vervolging" verslae.	Potchefstroom: NWU.

NAVORSINGSVRAAG

Die navorsingsvraag is tweeledig van aard en poog om te bepaal of forensiese maatskaplike werk voldoen aan die kriteria vir 'n spesialiteitsrigting in maatskaplike werk, en of dit as spesialiteitsrigting binne maatskaplike werk gevestig moet word.

FORENSIESE MAATSKAPLIKE WERK AS IDENTIFISEERBARE EN DEFINIEERBARE VELD IN MAATSKAPLIKE WERK

Die vraag ontstaan wat bedoel word met forensiese maatskaplike werk. Die woord *forensies* word volgens Reber (1995:295) afgelei van 'n Latynse woord wat *forum* beteken. De Sola (1982:53) brei verder hierop uit deur forensies te beskryf as die kuns van argumentering deur die toepassing van wetenskaplike feite om regspraakstukke op te los. Smuts en Smuts (1992: 51 en 57) beskryf forensies as geregtelike aspekte of aspekte betreffende die gereg of die proses van regspleging.

Volgens Barker en Branson (2000: 166) kan forensiese maatskaplike werk beskryf word as 'n spesialiteitsveld wat fokus op die verhouding tussen die mens en die regsisteem. Dit sluit aktiwiteite in soos die lewering van deskundige getuienis in die hof en assessering van sake waar misdadige gedrag vermoed word. Die deskundige getuie moet oor die nodige formele opleiding en ervaring beskik. Die regsisteem word ook bygestaan in sake soos toesig en beheer van minderjarige kinders, egskeiding, onderhoud, jeugoortreders, lewensmaat- en kindermishandeling, toelating tot inrigtings vir geestesongesteldheid, ingeligte toestemming en aanspreeklikheid. Hierdie definisie is ook deur die meerderheid respondente (95,73%) in die opname aangedui as die

mees omskrywende definisie van forensiese maatskaplike werk. Dit was dus moontlik om forensiese maatskaplike werk as 'n spesifieke veld te definieer.

Die voorgenoemde definisies en ook 'n aantal ander is verder geanaliseer om te bepaal of daar spesifieke en/of sentrale temas geïdentifiseer kon word om forensiese maatskaplike werk as spesialiteitsveld te identifiseer (Barker, 1995:37; National Organization of Forensic Social Work, 2008:1; Staub-Bernasconi, 2007: 4544; Weyers, 2001:2). Temas wat uit die ontleding van die definisies verkry is, is in Tabel 2 opgesom.

TABEL 2: SENTRALE TEMAS SOOS VERKRY VANUIT DIE DEFINISIE VAN FORENIESE MAATSKAPLIKE WERK

SENTRALE TEMAS	
•	Die lewering van deskundige getuienis
•	Gespesialiseerde opleiding en ervaring
•	Ondersteuning van die regsproses en regspleging
•	Spesialiteitsveld
•	Slagoffer-ondersteuning
•	Ondersteuning aan die oortreder
•	Assessering van slagoffers en oortreders
•	Die lewering van deskundige getuienis rakende seksuele misbruik, kindermishandeling en –verwaarlosing

Uit hierdie temas kan afgelei word dat die veld van forensiese maatskaplike werk duidelik identifiseerbaar is en dat dit veral die volgende take insluit:

- die lewering van deskundige getuienis in die hof wat gebaseer is op die wetenskaplike kennisbasis van die maatskaplike werker wat deur die hof aangewend word om regsvraagstukke op te los;
- die maatskaplike werker assesser beide die behoeftes en sterktes van die slagoffer en oortreder; en
- die gevolgtrekkings en aanbevelings word dan aan die hof voorgelê met die hof as die primêre kliënt.

Dit stem ooreen met data wat uit die kwantitatiewe opname in hierdie studie ingesamel is. Die meerderheid respondente (95,73%) het aangedui dat forensiese maatskaplike

werk 'n duidelike definisie het en identifiseerbare take insluit. Hierdie definisie is primêr ingestel op die lewering van deskundige getuienis in die hof.

FORENSIESE MAATSKAPLIKE WERK IS NIE 'N METODE OF INTERVENSIË NIE

Uit die definisie van forensiese maatskaplike werk blyk dit dat die primêre taak van die forensiese maatskaplike werker aangedui kan word as die lewering van deskundige getuienis in die hof. Dit vereis dus dat die maatskaplike werker oor spesifieke kennis en vaardighede moet beskik om inligting rakende die kliënt te bekom, hierdie inligting te interpreteer en dit dan aan die hof beskikbaar te stel op 'n wyse wat binne die regstelsel verstaanbaar en bruikbaar is. Die maatskaplike werker tree op as 'n getuie in die hof oor:

- gebeure in die verlede van die slagoffer en die oortreder en
- die funksionering van sisteme soos ouer-kind-verhoudings en gemeenskappe se verwysingsraamwerke.

Volgens die Vaktaalkomitee vir Maatskaplike Werk (1995:31) kan intervensie soos volg gedefinieer word: "Professionele handelinge van 'n maatskaplike werker om verandering in die persoon-omgewing-situasie te bewerkstellig ter bereiking van die doelwitte van die samewerkingsooreenkoms (kontrak) wat met die kliënt aangegaan is". Die doel van forensiese maatskaplike werk is egter nie om verandering in die persoon-omgewing-situasie te bewerkstellig nie. Met inagneming van die definisie van intervensie is dit duidelik dat forensiese maatskaplike werk nie 'n vorm van intervensie is nie. Die primêre kliënt is die hof, wat bevestigbare inligting en verdedigbare menings verlang oor dit wat in die verlede gebeur het en 'n invloed het op die regsplegingsproses. Daardie inligting moet binne die besondere veld van maatskaplike werk geïnterpreteer word. Hierdie veld is die interaksie van dié mens met homself en sy omgewing. Kuehnle (1996:29-37) brei verder hierop uit deur die verskil te beklemtoon tussen die advokaatrol van 'n maatskaplike werker (in generiese praktyk) en die rol van die forensiese maatskaplike werker om regstoepaslike inligting te bekom. Die advokaatrol van die generiese maatskaplike werker dui daarop dat die kliënt se regte en algemene welsyn verdedig moet word, en die kliënt se weergawe van die gebeure word oor die algemeen aanvaar. Woodside en McClam (2006: 214) beskryf die maatskaplike werker se advokaatrol as een waarin die maatskaplike werker pleit en

veg vir dienste, beleid, reëls, regulasies en wette namens die kliënte. Die forensiese maatskaplike werker, daarteenoor, voer onderhoude met die doel om inligting te verkry wat ooreenkomstig regstegnieke en norme in die hof getoets kan word.

DIE DOMEIN VAN FORENSIESE MAATSKAPLIKE WERK

Die forensiese veld word deur verskeie professies en dissiplines gedeel, maar word in die praktyk vanuit verskillende invalshoeke beskou. Die rolle, take en verantwoordelikhede van elke dissipline is duidelik onderskeibaar.

Die assessering van kliënte word deur psigiaters, psigoloë en maatskaplike werkers gedoen met inagneming van die terrein, spesifieke kennis en vaardighede van elke professie (Brooker, 2005: 221; Dale, Woods en Thompsom, 2001: 13; De Sola, 1982:53; Reber, 1995:295; Schmidt, 1968: 115; Stratton & Hayes, 1999:107; University of Cape Town, 2007; Walsh & Poole, 1983: 90-91).

Die dissiplines moet as span saamwerk in die beste belang van die gemeenskap, die slagoffer en die rehabilitering van die oortreder. Die deskundige getuienis behoort op so 'n wyse gelewer te word dat dit binne die raamwerk van die bestaande regstelsel verdedigbaar is en, wanneer nodig, die regstelsel uitdaag om aan te pas. Hierdie uitdaging moet egter gegrond wees op feite wat verkry is deur uitgebreide assessering en ondersoek. Elke dissipline het 'n unieke invalshoek, hooffokus en verantwoordelikhede om hierdie ondersoek uit te voer en uiteindelik getuienis te lewer. Die definisies, hooffokus en primêre take van die verskillende dissiplines is in Tabel 3 opgesom.

TABEL 3: ANDER DISSIPLINES BETROKKE IN FORENSIESE WERK

DISSIPLINES	DEFINISIE	HOOFFOKUS EN PRIMÊRE TAKE
Forensiese verpleegkunde	Forensiese medisyne is die aanwending van wetenskaplike, mediese kennis om 'n geregtelike probleem op te los (Brooker, 2005: 221, De Sola, 1982: 53).	<ul style="list-style-type: none"> • Kennis van beroepsiektes en beserings. • Identifiseer verdagte omstandighede en lewer getuienis aan die hof. • Kennis van psigiatrisie pasiënte (Brooker, 2005: 221; Dale, Woods & Thompsom, 2001: 13; De Sola, 1982:53; Schmidt, 1968: 115; Walsh &

		Poole, 1983: 90-91).
Forensiese psigiatrie	Die forensiese psigiater verklaar die interaksie tussen die mens se psigiese en fisiese funksionering. Die twee funksioneringsvlakke kan nie van mekaar geskei word nie (University Cape Town, 2007).	<ul style="list-style-type: none"> • Kennis en interpretasie van patologiese en nie-patologiese geestesongesteldheid en gedrag. • Bepaling van ontoerekeningsvatbaarheid en skynsiektes. • Die verwysing van persone na inrigtings ingevolge wetgewing (Reber, 1995:295, University of Cape Town, 2007).
Forensiese sielkunde	Die toepassing van psigologie op regsaspekte soos die betroubaarheid van die getuie, getuienis deur kinders, die gevolge van regsaksie vir die betrokke kinders en die oorsake van kriminele gedrag (Stratton & Hayes, 1999: 7; Vorster, 2003 :1).	<ul style="list-style-type: none"> • Die diagnose van persoonlikheidsdinamiek en psigosos. • Getuienis oor die betroubaarheid van getuienis, die menslike geheue en die besluitnemingsproses. • Kuratorskap en om te bepaal of 'n persoon in staat is om sy eie belange te beheer (Reber 1995: 295; Stratton & Hayes, 1999: 107).

Forensiese verpleegkunde, forensiese psigiatrie en forensiese sielkunde beskik oor 'n duidelike taak en domein in getuienis aan die hof in regspleging. Die domein van maatskaplike werk as kennisbasis van die mens in sy verhoudings word egter nie daardeur hanteer nie. Daarom is dit belangrik om die domein van maatskaplike werk te ondersoek en af te baken. Met die agtergrond van ander dissiplines wat by forensiese werk betrokke is, is dit noodsaaklik om die spesifieke domein van die forensiese maatskaplike werker duidelik te omlin. Die domein van forensiese maatskaplike werk lê hoofsaaklik gesetel in die volgende:

- die assessering van die slagoffer en/of oortreder;
- die lewering van deskundige getuienis; en
- 'n wetenskaplike kennisbasis.

Die lewering van deskundige getuienis in die hof sal vervolgens as die primêre domein in forensiese maatskaplike werk bespreek word.

Die forensiese maatskaplike werker as deskundige getuie

Die forensiese maatskaplike werker se hoofokus en primêre funksie is om effektief te assesser en as deskundige in die hof te getuig. Volgens Barker en Branson (2000:53) is 'n deskundige getuie 'n maatskaplike werker wat agtergrondinligting kan verskaf oor die regspraakstukke wat gedebatteer word wat nie noodwendig die detail van die betrokke saak in ag neem nie. So 'n getuie beskik oor formele opleiding en uitgebreide ervaring en is in staat om die konteks waarbinne die individu opgetree het, aan die hof te verduidelik. Laastens beskik hierdie tipe getuie oor die nodige kennis, ervaring en sosiale vaardighede ten opsigte van hofprosedure, toelaatbaarheid van getuienis, verskillende rolle en die aard van inligting wat in die hof benodig word.

Die deskundige getuie fokus op die toepassing van die maatskaplikewerk-kennisbasis om regspraakstukke op te los deur te fokus op sosiale vraagstukke en die sistematiese evaluasie van individue binne hulle omgewing rakende seksuele misbruik van kinders en gestremdes, huishoudelike geweld en die invloed van mag in verhoudings (Smuts en Smuts, 1992: 51 en 57; Weyers, 2001:2; Stutterheim, 1999: 13; Staub-Bernasconi, 2007:4544). Die deskundige getuie kan fokus op die toepassing van die kennisbasis op die detail van 'n saak of daarop om volkome objektief te getuig op grond van die kennisbasis in die algemeen om die maatskaplike werker se bevinding te toets aan die bestaande kennisbasis en standarde vir assessering. Hierdie toepassing van die kennisbasis sluit die volgende kategorieë binne maatskaplike werk in:

- ondersoek in gevalle waar misdadig vermoed word;
- advisering van die hof oor beskuldigdes en slagoffer se behoeftes en potensiaal;
- ondersteuning van die slagoffer om sy menswaardigheid te herwin;
- getuienis ten opsigte van kinderbeskerming;
- getuienis ten opsigte van egskeiding;
- getuienis ten opsigte van jeugoortreders;
- mediasie tussen groepe wat verskil en
- getuienis rakende aanspreeklikheid (Barker & Branson, 2000: 13-14).

Dit is die uitsluitlike domein van forensiese maatskaplike werk om verslae oor 'n persoon se psigososiale omstandighede aan die hof te voorsien. Nadat die hof die skuldige

gevonnis het, is die forensiese maatskaplike werker daarvoor verantwoordelik om die uitvoering van vonnis-voorwaardes te fasiliteer en te monitor.

BESONDERE KENNIS, VAARDIGHEDEN EN ERVARING VAN DIE FOREN- SIESE MAATSKAPLIKE WERKER

Die forensiese maatskaplike werker benodig bo en behalwe die generiese kennis en vaardighede ook spesialiteitskennis en –vaardighede om as ’n deskundige te kan optree. ’n Deskundige word beskou as ’n persoon met deeglike kennis en/of ervaring wat van gesaghebbende oordeel getuig (Odendal, 1994: 138; Smuts & Smuts, 1992: 38).

Die forensiese maatskaplike werker se spesifieke kennis

Die forensiese maatskaplike werker is ’n persoon wat oor deeglike kennis en ervaring beskik rakende die persoon in sy sosiale konteks asook oor teoretiese agtergrondkennis van psigologie en sosiologie. Die forensiese maatskaplike werker moet addisioneel kennis vanuit die regsprofessie en kriminologie integreer met die maatskaplikewerk-kennis.

Besondere vaardighede van die forensiese maatskaplike werker

Stutterheim en Weyers (1999: 13-15) noem voorverhoor- en -vonnisverslae as take van die forensiese maatskaplike werker. Die doel van die ondersoek is om te bepaal waarom die vermeende oortreder op die spesifieke wyse opgetree het en of hy daartoe in staat is om verhoor te word. Die maatskaplike werker mag ook versoek word om ’n mening uit te spreek oor menslike gedrag, maatskaplike probleme, die impak van sekere gebeure op mense en omstandighede wat die persoon mag noop om op ’n bepaalde wyse op te tree. Die maatskaplike werker mag ook versoek word om verslag te lewer oor vonnisse nadat die hof ’n persoon skuldig bevind het, maar voordat die persoon gevonnis word. In primêre residensie-sake word die maatskaplike werker versoek om ondersoek in te stel na en ’n aanbeveling te maak aangaande die primêre residensie van minderjarige kinders.

Uit die opname het respondente aangedui dat die forensiese maatskaplike werker oor die bepaalde kennis en vaardighede moet beskik. Hierdie kennis en vaardighede is in Figuur 1 opgesom.

FIGUUR 1: SPESIFIEKE VAARDIGHEDE EN KENNIS VAN DIE FORENSIESE MAATSKAPLIKE WERKER

Aspek	Aantal	%
Kennis en vaardighede rakende wetlike aspekte	139	85
Gespesialiseerde kennis van forensiese maatskaplike werk	51	31
Die lewering van deskundige getuienis	18	11
Objektiwiteit, professionaliteit en luistervaardighede	13	8
Assessering van die slagoffer en die oortreder	6	3


Geen totaal of totale persentasie (N-telling) word weergegee nie, want verskeie respondente het meer as een aspek as belangrik aangedui.

In die ondersoek is bevind dat 85% van die respondente kennis, vaardighede en interpretasie van regsaspekte as belangrik geag het. Slegs 31% van die respondente beskou forensiese maatskaplike werk as 'n gespesialiseerde kennisbasis. Die lewering van deskundige getuienis is deur 11% van die respondente beskou as die taak van 'n forensiese maatskaplike werker. Objektiwiteit, professionaliteit en luistervaardighede is deur 8% as belangrik aangedui. Assesseringsvaardighede is deur 3% respondente as 'n belangrike vaardigheid beskou. Hierdie response kan daarop dui dat maatskaplike werkers nie werklik ingelig is oor die domein en spesifieke kennis en vaardighede van die forensiese maatskaplike werker nie. Dit is veral hul gebrek aan insig in die rol van

assessering in forensiese maatskaplike werk wat kommer wek, aangesien assessering die aanvaarde hulpmiddel is waardeur inligting verkry word om die hof en regspleging te ondersteun. Die assesseringsonderhoud lei dikwels die forensiese maatskaplike werker in haar verdere ondersoek (Allan & Meintjies-Van der Walt, 2006: 342-356; Munson, 2002: 684-689; Stutterheim & Weyers, 1999:11-21).

In die literatuurstudie is die spesifieke kennis, vaardighede en ervaring van die forensiese maatskaplike werker duidelik beskryf (Barker en Branson, 2000: 13-14; Stutterheim en Weyers, 1999: 13-14; Staub-Bernasconi, 2007: 4544). Dit is deur die navorser opgesom en in Figuur 2 uiteengesit.

FIGUUR 2: KENNIS, VAARDIGHEDE EN ERVARING VAN DIE FORENSIESE MAATSKAPLIKE WERKER



BESPREKING VAN FIGUUR 2

Die forensiese maatskaplike werker moet oor kennis beskik rakende regspleging; protokol; menslike ontwikkeling, die dinamiek, effek en gevolge van seksuele molestering; misdaad (spesifiek jeugmisdaad); gevaarlike misdadigers; gesinsgeweld; invloed van chemiese substansie; en die verweer en regte van oortreders. Dit word

ondersteun deur verskeie menings vanuit die literatuur, naamlik Artz en Smuthe (2006:162-170), Berne (2004: 126-128), Brain en Holmgren (1997: 1-14), Cashman (1993: 820-107), Friend en Mills (2002: 679-683), Hawkrigde (2006:250-270), Kaliski (2006a: 221-234), Kaliski (2006b: 113-125), Kruger en Spies (2006:157-184), Peter (2006a: 126-145), Peter (2006b: 146-161), Roberts en Rock (2002: 661-668), Roos (2005: 70-97), Spies (2006a: 2-22), Spies (2006b: 62-86) en Van Niekerk (2006: 100-126).

Hierdie kennis moet ondersteun word deur toepaslike ervaring. Dit sluit ervaring van die regsomgewing, regsplegingsproses; kruisondervraging en die manipulerende gedrag van oortreders en slagoffers in. Dit word ondersteun deur verskeie menings vanuit die literatuur, naamlik Louw (2006: 34-56), Meintjies-Van der Walt (2006:11-33), Myers (1990: 1-11) en Vergottini (2006: 38-41).

Sonder vaardighede om 'n gesaghebbende uitspraak te maak is genoegsame kennis en ervaring is nutteloos binne forensiese maatskaplike werk. Dit sluit in assessering van oortreders, slagoffers, vermeende gevaarlike misdadigers en jeugdige; forensiese ondersoekmetodes, egskeidingsbemiddeling, ondersoek rakende die primêre residensie van minderjarige kinders; voorbereiding van toepaslike verslae en die lewering van getuienis as 'n deskundige getuie in. Dit word ondersteun deur verskeie menings vanuit die literatuur, naamlik Fouché (2006: 205-240), Green, Thorpe & Traupmann (2005: 142-153), Hudges & O'Neal (1983: 339-394), Kaliski, Allan & Meintjies-Van der Walt (2006: 239-341), Vorster (2003: 1-6) en Ziervogel (2006: 261-270).

'n Deskundige getuie is nie vertrouwd met die detail van die saak voor die hof nie, maar lewer getuienis op grond van 'n erkende kennisbasis, waarvan die getuie 'n kenner is. Die maatskaplike werker, as deskundige getuie, pas die maatskaplikewerk-kennisbasis op geregtelike vrae toe deur te fokus op sosiale vraagstukke en die sistematiese evaluering van die individu binne sy omgewing. Dit word ondersteun deur verskeie menings vanuit die literatuur, naamlik Allan en Meintjies-Van der Walt (2006: 342-356), Brian en Holmgren (1997: 1-14), Carstens (2006: 185-204), Munson (2002: 684-689), Perron en Hiltz (2006: 216-234) en Stutterheim en Weyers (1999:11-21).

Die hof is die forensiese maatskaplike werker se primêre kliënt, waar sowel oortreders as slagoffers regverdige behandeling eis. Inligting oor die oortreder en slagoffer moet te alle tye regsgeldig, betroubaar en geloofwaardig wees. Mediasie en objektiewe ondersoek lei tot die waardige hantering van die egskeidingsproses en besluitneming in belang van minderjarige kinders en die herstel van verhoudings.

GEVOLGTREKKINGS EN AANBEVELINGS

Uit die studie kan die gevolgtrekking gemaak word dat forensiese maatskaplike werk inderdaad voldoen aan die kriteria wat die SACSSP vir die registrasie van 'n spesialiteitsrigting stel, naamlik:

- Dit is 'n identifiseerbare en definieerbare veld in maatskaplike werk.
- Dit is nie 'n vorm van intervensie nie.
- Dit is 'n besondere veld van maatskaplike werk en alhoewel ander professies betrokke is by forensiese werk, is daar 'n duidelike domein vir die forensiese maatskaplike werker.
- Dit vereis spesifieke kennis, vaardighede en ervaring van die maatskaplike werker.

Daar word aanbeveel dat forensiese maatskaplike werk as 'n spesialiteitsrigting in maatskaplike werk geregistreer word.

BIBLIOGRAFIE

ALLAN, A. 2006. Intellectual disability. (In KALISKI, S. Ed. *Psycholegal assessment in South Africa*. Cape Town. Oxford. pp. 287-298.)

ALLAN, A. & MEINTJIES-VAN DER WALT, L. 2006. Expert evidence. (In KALISKI, S. Ed. *Psycholegal assessment in South Africa*. Cape Town: Oxford. pp. 342-356.)

ARTZ, L. & SMYTHE, D. 2006. Rape and sexual assault. (In KALISKI, S. *Psycholegal Assessment in South Africa*. Cape Town: Oxford. pp. 162-170.)

BARKER, R.L. 1995. *The social work dictionary*. Washington, DC: NASW

BARKER, R.L. & BRANSON, D.M. 2000. *Forensic social work: legal aspects of professional practice*. New York: Haworth.

BERNE, E. 2004. *Games people play: the basic handbook of transactional analysis*. New York: Ballentine.

BRIAN, K. & HOLMGREN, J.D. 1997. Expert testimony on children's suggestibility: should it be admitted? *The APSAC Advisor* 10(1): 1-14.

BROOKER, C. Ed. 2005. *Churchill Livingstone's mini encyclopaedia of nursing*. Edinburgh: Elsevier Churchill Livingstone.

CARSTENS, R. 2006. The expert witness in cases of sexual abuse. (In SPIES, G.M. Ed. *Sexual abuse: dynamics, assessment and healing*. Pretoria: Van Schaik. pp. 185-204.)

CASHMAN, H. 1993. *Christianity and child sexual abuse*. Chatham: Mackays.

DALE, C., WOODS, P. & THOMPSON, T. 2001. Nursing. (In DÁLE, C., WOODS, P. & THOMPSON, T. Eds. *Forensic mental health*. New Your: Bailliere Tindall. pp. 19-30)

DE SOLA, R. 1982. *Crime dictionary*. New York: Facts on file.

DE VOS, A.S. 2005. Combined quantitative and qualitative approach. (In DE VOS, A.S., STRYDOM, H., FOUCHÉ, C.B. & DELPORT, C.S.L. Eds. *Research at grass roots for the social sciences & human service professions*. Pretoria: Van Schaik. pp. 357-366.)

FOUCHÉ, A. 2006. Assessment of the sexually abused child. (In SPIES, G.M. Ed. *Sexual abuse: dynamics, assessment and healing*.) Pretoria: Van Schaik. pp. 205-240.

FOUCHÉ, C.B. & DE VOS, A.S. 2005. Quantitative research designs. (In DE VOS, A.S., STRYDOM, H., FOUCHÉ, C.B. & DELPORT, C.S.L. Eds. *Research at grass roots for the social sciences of human service professions*. Pretoria: Van Schaik. pp. 132-143.)

FRIEND, C. & MILLS, L. G. Domestic violence and child protection services: risk assessments. (In ROBERTS, A.R. & GREENE, G.J. Eds. 2002. *Social workers' desk reference*. Oxford: Oxford. pp. 679-683.)

GREEN, G., THORPE, J. & TRAUPMANN, M. 2005. The prawling thicket: knowledge and specialization in forensic social work. *Australian social work*, 58(2): 142-153, June.

HAWKRIDGE, S. 2006. Children as perpetrators. (In KALISKI, S. Ed. *Psycholegal Assessment in South Africa*. Cape Town: Oxford. pp. 250-270.)

HUGHES, D.S. & O'NEAL, B.C. 1983. A survey of current forensic social work. *Social work* 28(5): 339-394, September – October.

KALISKI, S.Z. 2006a. Child custody and access. (In KALISKI, S. Ed. *Psycholegal Assessment in South Africa*). Cape Town: Oxford. pp. 221-234.

KALISKI, S.Z. 2006b. The "dangerous offender" and risk assessment. (In KALISKI, S. Ed. *Psycholegal Assessment in South Africa*. Cape Town: Oxford. pp. 113-125.)

KALISKI, S.Z., ALLAN, A. & MEINTJIES-VAN DER WALT, L. 2006. Writing a psycholegal report. (In KALISKI, S. Ed. Psycholegal Assessment in South Africa (In KALISKI, S. Ed. Psycholegal Assessment in South Africa). Cape Town: Oxford. pp. 261-270 Cape Town: Oxford. pp. 239-341.)

KRUGER, M.E. & SPIES, G.M. 2006. The rights and sexually abused child. (In SPIES, G.M. Ed. Sexual abuse: dynamics, assessment and healing. Pretoria: Van Schaik. pp. 157-184.)

KUEHNLE, K. 1996. Assessing Allegations of Child Sexual Abuse. Sarasota: Professional Resource.

LOUW, R. 2006. The principles of criminal law: pathological and non-pathological criminal incapacity. (In KALISKI, S. Ed. Psycholegal Assessment in South Africa. Cape Town: Oxford. pp. 34-56.)

MEINTJIES-VAN DER WALT, L. 2006. The principles of litigation and civil law. (In KALISKI, S. Ed. Psycholegal Assessment in South Africa. Cape Town: Oxford. pp. 11-33.)

MUNSON, C.E. 2002. Forensic social work and expert witness testimony in child welfare. (In ROBERTS, A.R. & GREENE, G.J. Eds. 2002. Social workers' desk reference. Oxford: Oxford. Pp. 684-689.)

MYERS, J.E.B. 1990. Law: coping with cross examination. The APSAC Advisor 3(3): 1-11.

NATIONAL ORGANISATION OF FORENSIC SOCIAL WORK. 2007. web: <http://www.nofsw.org> Datum van gebruik: 10 June 2007.

ODENDAL, F.F. (Red). 1994. Die verklarende handboek van die Afrikaanse taal. Johannesburg: Perskor.

PERRON, P.E. & HILTZ, B.S. 2006. Burnout and secondary trauma among forensic interviewer of abused children. *Child and Adolescent Social Work Journal*, 23(2): 216-234, June.

PETER, L.P. 2006a. The effects of alcohol and substances. (In KALISKI, S. Ed. *Psycholegal Assessment in South Africa*. Cape Town: Oxford. pp. 126-145.)

PETER, L.P. 2006b. Domestic violence. (In KALISKI, S. Ed. *Psycholegal Assessment in South Africa*. Cape Town: pp. 146-161.)

POGGENPOEL, M. 1998. Data analysis in qualitative research. (In De Vos, A.S., ed. *Research at grass roots: a Primer for the caring professions*. Pretoria: Van Schaik

REBER, A.S. 1995. *The Penguin dictionary of psychology*. 2nd Edition. London: Penguin.

ROBERTS, A.R. & ROCK, M. 2002. An overview of forensic social work and risk assessment with the dually diagnosed. (In ROBERTS, A.R. & GREENE, G.J. Eds. 2002. *Social workers' desk reference*. Oxford: Oxford. pp. 661-668.)

ROOS, N. 2005. *Praat daaroor: 'n handleiding vir seksueel gemolesteerde vroue*. Pretoria: Lapa.

RUBIN, A. & BABBIE, E. 2005. *Research methods for social work*. Belmont: Thomson.

SCHMIDT, J.E. 1968. *Practical nurses' medical dictionary*. Springfield: Thomas.

SMUTS, J. & SMUTS, I.J. 1992. *Woordeboek van Regs- en Handelsterme*. Kaapstad: Nasau.

SOUTH AFRICAN COUNCIL FOR SOCIAL SERVICE PROFESSIONALS. 2003. *Policy guidelines for course conduct, code of ethics and rules for social workers professionals*. Pretoria: SACSSP.

SPIES, G.M. 2006a. An explanation of the dynamics of incest families. (In SPIES, G.M. Ed. Sexual abuse: dynamics, assessment and healing. Pretoria: Van Schaik. pp. 2-22.)

SPIES, G.M. 2006b. The adult survivor of sexual abuse. (In SPIES, G.M. Ed. Sexual abuse: dynamics, assessment and healing. Pretoria: Van Schaik. pp. 62-86.)

STAUB-BERNACONI, S. 2007. Social work: theory and methods. (In RITZER, G. Ed. The Blackwell Encyclopaedia of Sociology, Vol. 9) Oxford: Blackwell.

STRATTON, P. & HAYES, N. 1999. A student's dictionary of psychology. London: Arnold.

STRYDOM, H. 2005. Ethical aspects of research in the social sciences and human service professions. (In DE VOS, A.S., STRYDOM, H., FOUCHÉ, C.B. & DELPORT, C. S. L. 2005. *Research at Grass Roots for the Social Sciences & Human Service Professions.*) Pretoria: Van Schaik.

STRYDOM, H. & DELPORT, C.S.L. 2005. Information collection: document study and secondary analysis. (In DE VOS, A.S., STRYDOM, H., FOUCHÉ, C.B. & DELPORT, C.S.L. Eds. *Research at grass roots for the social sciences & human service professions.* Pretoria: Van Schaik. pp. 314-326.)

STUTTERHEIM, E. & WEYERS, M.L. 1999. Forensic Social Work with special reference to forensic social work service of the SAPD. *Social Work / Maatskaplike werk*: 35(1): 11-21.

VAKTAALKOMITEE VIR MAATSKAPLIKE WERK. 1995. Nuwe woordeboek vir maatskaplike werk. Kaapstad: CTP

UNIVERSITY CAPE TOWN. 2007. Department Psychiatry. web: <http://www.psychiatry.uct.ac.za> Datum van gebruik: 9 May 2007.

VAN NIEKERK, J. 2006. The often neglected side of the sexual abuse equation – the child sex offender. (In SPIES, G.M. Ed. Sexual abuse: dynamics, assessment and healing. Pretoria: Van Schaik. pp. 100-126.)

VORSTER, C. 2003. Introduction to forensic psychology. (In ROOS, V. & VORSTER, C. Eds. An Introduction to forensic psychology. Wingatepark: Verbum. pp. 1-6.)

VERGOTTINI, E. M. 2006. 'n Maatskaplikewerk-ondersoek na die aard en implikasies van die sogenaamde “wenslikheid van vervolging” verslae. Potchefstroom: NWU

WALSH, D. & POOLE, A. 1983. A dictionary of criminology. London: Routledge & Kegan Paul.

WEYERS, M.L. 2001. Demarcating the field of forensic social work in South Africa: a basis document. Dokument voorgedra aan die SOUTH AFRICAN COUNCIL FOR SOCIAL SERVICE PROFESSIONS.

WOODSIDE, M. & McClam, T. 2006. An introduction to human services. London: Thomson Brooks / Cole.

ZIERVOGEL, C.F. 2006. Assessment of adolescents in a forensic setting. (In KALISKI, S. Ed. Psycholegal Assessment in South Africa. Cape Town: Oxford. pp. 261-270.)

BYLAAG A
KOPIE VAN DIE VRAELYS

Reference number

--	--	--

SECTION A: DEMOGRAPHIC DETAILS

Council registration number:

--	--	--	--	--	--	--	--	--

1. Age in years

21 – 30		1
31 – 40		2
41 – 50		3
51 – 60		4
Above 60		5

2. Gender

Male		1
Female		2

3. Years Experience

1 – 5 years		1
6 – 10 years		2
11 – 15 years		3
16 – 20 years		4
21 – 25 years		5
More than 25 years		6

4. In which province do you work

Gauteng		1
Limpopo		2
North West		3
Free State		4
Eastern Cape		5
Western Cape		6
Northern Cape		7
Mpumalanga		8
Kwa-Zulu Natal		9

5. Your mother tongue language

Afrikaans		1
English		2
Tswana		3
Zulu		4
Xhosa		5
Ndebele		6
Venda		7
Swati		8
Sesotho		9
Sepedi		10
Tsonga		11

6. Geographical Area

Urban		1
Semi-urban		2
Rural		3

SECTION B: EXPERIENCE IN STATUTORY WORK

7. Have you done statutory work before

		1	No	2

8. Name the courts in which you have acted in your professional capacity as social worker the last 5 years

	Childrens Court		1
	Youth Delinquency Court		2
	Rehabilitation Court		3
	Criminal Court		4
	Civil Court		5
	High Court		6
	Highest Court of Appeal		7

9. Were you involved the last 5 years in pre conviction cases?

Yes No

2	
---	--

10. Were you involved the last 5 years in post conviction cases?

Yes		1
No		2

11. Have you written reports to the criminal court, pre conviction (for example assessment report)

Yes		1
No		2

12. Have you written reports to the criminal court, post conviction? (for example victim impact report or pre sentence report)

Yes		1
No		2

13. Mark the types of reports that you have written to the court the last five years

	Yes		No	
13.1 Children Court Report		1		2
13.2 Rehabilitation Court Report		1		2
13.3 Pre Conviction Report		1		2
13.4 Post Conviction Report		1		2
13.5 Civil Court Report		1		2
13.6 Custody Report		1		2
13.7 Guardianship Report		1		2
13.8		1		2

14. In which of the following courts have you

	Yes		No	
14.1	Children Court		1	2
14.2	Rehabilitation Court		1	2
14.3	Criminal Court/Pre Conviction		1	2
14.4	Criminal Court/Post Conviction		1	2
14.5	Civil Court		1	2
14.6	High Court		1	2
14.7	Highest Court of Appeal		1	2

SECTION C: THE NATURE OF FORENSIC SOCIAL WORK FIELD

15. Which one of the following definitions reflect your opinion of forensic social work:

15.1 "Forensic Social work is a professional speciality that focus on the interface between society's legal and human systems. It includes such activities as providing expert testimony in courts of law, investigating cases of possible criminal conduct and assisting the legal system in such issues as child custody disputes, divorce, non-support, delinquency, spouse or child abuse, mental hospital commitment and relative's responsibility".

15.2

15.3

16. Which of the following tasks do you consider to be part of the Forensic Social Worker?

16.1	Assesment of the client		1
16.2	Kollaterale (sistemiese) ondersoek		2
16.3	Therapy		3
16.4	Psychometric Tests		4
16.5	Staving van assesseringsinligting met wetenskaplik gefundeerde vakliteratuur		5
16.6	Report writing		6
16.7	Lewering van expert getuienis in hof voor skuldigbevinding		7
16.8	Lewering van expert getuienis in hof voor vonnis oplegging		8
16.9	Opening en afhandeling van kinderhof		9
			10

SECTION D: KNOWLEDGE AND SKILLS

17. The law of evidence determine who can be considered as an expert. In view of the criteria for a expert consider whether you qualify as an expert.

17.1	Gespesialiseerde opleiding en ondervinding in die relevante veld (forensies)		1
------	--	--	---

16.2		2
16.3		3
16.4		4
16.5		5
16.6		6
16.7		7
16.8		8
16.9		9
		10

18. Accept for your formal qualification as a Social Worker, name all other qualifications in respect of forensic social work?

.....

19. Summarize the detail of your experience in the field of forensic social work.

.....

20. Name the field of specialized training that is required of Oor watter gespesialiseerde opleiding in 'n spesifieke veld om die regsproses by te staan behoort 'n forensiese maatskaplike werker te beskik.

.....

21. Oor hoeveel gespesialiseerde ondervinding in maatskaplike werk behoort 'n persoon te beskik om deur die hof aanvaar te word as deskundige? (motiveer u antwoord)

.....

22. Dink u dat u voorgraadse opleiding voldoende is om as deskundige in 'n gespesialiseerde veld as deskundige in die hof aanvaar te word? Ja/Nee

Indien Ja motiveer

.....

Indien Nee motiveer

.....
.....
.....

23. Watter kort kursusse in forensiese werk hat u die afgelope 5 jaar bygewoon?

.....
.....
.....
.....